

子良詩存

子良詩存卷十三

番禺馮詢

題張子岡印冊

鐵硯磨穿鐵筆支年年琢削恐神疲
世間名盡歸君手可惜君名世未知

題李老寶畫虎

形容畫出只如此無力生擒奈怯何
嚇到英雄都掩耳座中說虎太多

陳肇甫外從弟

慶鴻

屬題采芝圖

有序

此圖肇甫爲思親作也其尊人蓮史方伯引疾
歸里肇甫入贅長沙李氏久缺養作圖誌慕焉
方伯爲予同譜又丈人行愛予至篤示肇甫長
篇皆與予平日往來書中語樸摯痛切予固願
樂欲聞者粵寇肆毒橫行江湖予方官江西肇
甫客湖南烽警驅人踪跡離合方伯則養疴粵
里憂極迷悶與予不通音問數年矣題此圖不
禁觸舊惘惘肇甫見之當更何如

讀君庭訓詩咀嚼黃檗黃黃檗愈苦味愈長有似百草

神農嘗停辛儲苦久不覺功成博得餐芝樂阿翁長爲
結友藥有子已作求官鶴采芝采芝安得閒頻年兵火
燒芝山在饒州披荆斬棘卧風雨我亦困頓江湖間與君
各走風塵道倚門念爾雙親老試從離亂想團樂藜藿
能甘勝瑤草生子慎勿生神僊十洲采藥歸何年嗚呼
采藥歸何年何不故山買芝田

贈總藩庫使王小谷世兄思佑兼懷其尊人辰谷
先生

哀笳悲鼓記驚秋痛定回思是壯遊烽火程途方到岸

雨風城郭共登樓小谷捧檄來江纔報到黃墟感舊朋
儕散謝墅論功子弟收今日才華先足國料錢數米亦
風流

送廣孔愚員外廣瑞赴楚營

炎風鬱鬱大江吹吹動狼煙望楚墟今日何人爭二廣
此行爲我弔三閭驂駟得路還停轡鸚鵡無才肯薦書
受湖北青
中丞薦蒿目時艱莫惆悵男兒只合建旄旗

百花洲消夏

冷圃難邀熱客看幸辭汗雨且盤桓消閑終是昇平事

莫爲無功厭此官

看點勇

一字纔呼百隊轟
錦旗翻處鼓層層
飛揚跋扈君休怪
馴恐人譏不似鷹

答豫定之別駕

豫鼎

託身高據豫章樓
樓下車塵看宦遊
君似陳蕃宜別駕
我慚郭泰亦同舟
拚教磨折鬚眉在
轉爲牢騷意氣投
滿地江湖何處著
傳聞鼙鼓又中州

幸是閑曹去就輕
卻難決計念怍怍
文章報國知何事

襤被辭官覺不情
雲帶倦容增暮感
雨消殘暑作秋聲
多君終抱幽燕氣
慷慨能爲猛虎行

題王窗山司馬

文煒

詩卷

郡中乞假逃炎暑
展卷涼風頓入帷
詞賦傳家大手筆

海山歸篋小坡詩

尊甫笠舫先生爲一代作家司馬侍遊嶺南有小坡之目

部民解

詠官非俗戎馬設文客
亦奇槌腳紛紛何足數
愛君吟似虎頭癡

馬仙樵刺史

永熾

屬定所著詩草題四律以贈

刺史

軍功起家時爲臨川令

短長歌曲見平生百種經營萬里行今日

朝廷方有事古來儒者必知兵語關憂樂情先厚感到

窮通句易成況是君身有仙骨飄飄鸞鶴入雲聲

仙鶴自云

曾遇

仙

幕府無人識馬周偶然放筆便奇猷英雄得路羣才伏
競病登筵萬卷收譽重卑官爲薦士數奇名將未封侯
知君索句如臨敵出不驚人死不休

轉想風流吏放衙已培凋傲見精華萬千籌餉宜能將

八百栽桑不爲家

二事皆臨川實政

俗悍陶融須歲月政成料

理到煙霞官閉心苦何人會盡日花前手自義

便許詩篇定拙工自慚頭腦太冬烘老無知已文章賤
世有何人毀譽公借酒談心防稽稌看花迷眼苦矇眊
出朱入墨輸時輩敢把雌黃付筆中

卷中朱墨已滿
予別以黃筆

爲錢鏡甫

照

題眠琴綠陰圖

司空詩品似人品擺脫煩襟但高枕偶復借琴以品詩
詩心只有琴心知彈琴賦詩高可慕慕卽買山先種樹
好山處處綠成陰安得攜琴入山住君今寄意爲此圖
問君俗慮能祛無嗚呼絲桐亦是不祥器彈出無窮幽

怨事地險難安木石居時危易困風塵東詩亦不得品
琴亦不得眠我貧已用賣琴錢詩債日日催門前何況
焦爨生驚煙耳邊殺伐聲皇然一家四處頻移遷琴書
在匣同棄捐琴兮琴兮如有緣不惜十指彈萬千直欲
彈到劫灰飛盡江水清且瀾僮請畫師添畫五湖船與
爾高歌放浪尋成連

贈譚子實書記

振鼎

卽送臨川之遊

局促輾駒怯遠征

擬遊江南不果

設何容易便登程一年無事

徒詩酒四海多艱正甲兵入幕客卑難獻策倚門親老

敢辭名臨川舊是英才地君去煩諮玉茗生

數月同頭迹遂陳無窮摧挫剩閒身文章憎命疑才盡
憂患論交見性真與我周旋甯作我何人料理到斯人
織羅磨鏡皆豪傑好好塵中耐苦辛

贈徐叔勤參軍

德度

憂患論交痛定思豫章城上受圍時學成千櫓儒生重
功在鄉閭

聖主知豈合千夫徒作長

時方督帶練勇

記曾匹馬獨登陴虛

堂風雨鐸燈會夜夜談兵杜牧之

八寶巾箱七寶刀從戎才調讓君高
龍蛇得勢歸心手

善書鷹隼空羣賴羽毛

奉旨賞戴功翎

甘苦易嘗年正少安危

難定首頻搔人言城北徐公美今日

朝廷詔譽髦

失詩板

禍聚災梨半落空悔拋心力作書蟲轉思藏拙真難事
此賊猶能愛魏公

奉送重守順化門

寇至倉皇使守門幸猶未至且盤桓抱關擊柝勞仍愧

不到危時是冷官

送林春舫秀才

熙齋

歸嘉應

勸駕匆匆便放舟
黯然離恨卻難收
干戈百戰軍門嶺
風雨重陽鎮海樓
亂作閑官吾有愧
貧能歸里子無憂
不成一事經三載
轉爲艱危悔浪遊

集古今謠諺

秀才不知書
孝廉父別居
走馬應不求
聞達逃亡避
追比樂輸
奇奇怪怪顛顛倒
倒人情假到如此之真
世事壞到如此之好

拜人方三罵人劉四自拜自罵何與人事羊公勲業赫
赫固不如銅雀臺妓

加運同銜自嘲四首卽答豫定之弟惠賀

翻爲論功愧不才功名可喜亦堪哀一官到手談何易
闕盡顏嗔謝笑來

豈能兩職一身兼無用虛名轉自嫌看似華腴仍沒泊
此官滋味水晶鹽

雲鳥新銜亦可觀只愁無力羽單寒癡肥太守身雖潤

曾有人嘲食雁官

原保知府銜後乃改此知府運同皆四品謂之雁銜

廿年宦迹歎棲遲老去光陰伏驥知
杜甫交情到鹽鐵
爲憐羈絆贈渠詩

夜起卽事

多愁偏覺女兒譁深夜喁喁喚阿爺
何喜可占勞汝報
准開新蠶賞燈花

示長媳

大夫宗祀薦縻纘汝是吾家冢婦身
老弱一堂資汝健
已傷寥落况憂貧

記得天涯駐客裝兩家兒女費平章
廿年婚宦闌樂會

爲汝回頭倍斷腸

媳爲龐子芳別駕女憶癸巳歲子芳奉解銅之役自京旋黔訪予於山左

寓中設讌既樂因以女爲子媳予亦以姪女爲子芳媳距今二十年子芳已歸道山而媳更悲孀守撫今思昔

能勿愴懷

吳城墳又省城墳

亡兒柩厝吳城媳母柩厝省城

哭母悲夫兩淚紛痛

甚亂離無定寓但逢來僕間殷勤

煌煌

旌典勒貞珉

先嗣王母陳太恭人先嗣慈趙太恭人

旌表貞孝旌表節孝

汝繼清

聲舊德新看取柏芬堂上座

予家堂名柏芬本生先王父竹洲公所命誌兩世貞

節也兩傳冠帔太夫人

示長女

粵音纔學苦難諧兒女團樂笑口開卻是膝前偏愛汝

爲會親見故鄉來

次女三女皆生山東四兒五女皆生江西各操土音惟長女粵生幼作粵

語轉念粵中所生兒女今獨長女存耳能無感歎

傳家吾仗晚生兒飽飯攤書教誦詩賴汝好詞先贈我

老夫情樂且含飴

予年近六旬尙未抱孫而先得外孫蔡伯喈絕妙好詞以外孫爲好字予

與四兒皆愛詩今喜長女先得子亦不啻得好詞矣

見汝艱難亦可憐事姑隨婿避烽煙僻鄉偕隱先謀食

準折簪釵學買田

無灾無難樂家庭汝便安懷足一生喫飯穿衣隨分過
莫貪夫婿逐功名

建平姪于役常山以眷口寄江省而自回金陵懷
別四首

兵戈猶滿地汝復據征鞍別路千言少危時一見難檄
忙風火迫裝薄月霜寒况是勤王事方強戒晏安

竊恐精亡久艱難事事親我猶窮薄宦汝亦老成人作
客知投險爲官莫厭貧贈言和緩好薑桂性嫌辛

汝家全付我得食且支持索笑兒能慧姪孫錫光忘憂幼慧可喜

叔幸癡謀深公事穩累重客心遲慷慨增行色驅人豈獨飢

吳楚千重路平安許往還神威纔鐵柱

豫章解圍真君神助佛劫

尙金山殺賊非徒勇依人不易閉團樂終至樂夜夜夢

鄉關

題鄧厚甫先生觀察

仁堊

解豫章圍後重修婁妃

墓記應公子彌之司馬

輔綸

之屬

王座堪與客姓李爲王相地致王死王如不死有妃子奈何一坵妃占殘山水我聞妃死葬逆流妃逆非逆王

逆羞婦言不用誓身殉此志可以回潮頭江頭一戰紅
顏失天爲湘娥留素質三生石未證精魂百結衣先縈
恨骨文成功定收浮屍英雄能惜好女兒墓前合種將
軍樹江上甯沈幼婦碑吁嗟茅土竟如此一十八墳今
已矣明甯藩墓在新建者除宸
濠外計共十八墳載省志山河鐵券尙難憑歌詠
玉臺安可恃燧燔陡現秦阿房燐火不滅魯靈光美人
黃土魂千古司馬青衫淚兩行戔戔鄧公亂能治收拾
人心首忠義不忘烈婦况名賢孺墓澹墳修以次想見
千金買骨憐才意

章門秋感

蕭蕭笳鼓尚重關盡作商聲愴客顏淚入江湖付東海
恨平臺閣見西山勝王閣亦樓矣斬蛟仙子靈猶在洗馬將軍
去不還又是瓜期誰忘得滿身風露水城間

元戎辛苦作長城命將何人善用兵絳灌不儒終乏術
孫盧爲賊竟成名死生民賤從違易民爲賊據轉復從賊功罪官

多賞罰輕惆悵轉輸財力盡可能從絀更籌盈

吳楚繁華遽寂寥秣陵秋色倍魂消淒迷江左東南壁
嗚咽潯陽上下潮浩劫未完應地運梟才能逞亦天驕

何時親見羣侯會車馬衣裳翊

聖朝

久議數省會勳

薦剡纔登姓字香珥貂爭豔羽林
即時來將相曾無種恩重興臺亦有光

聖主用人原破格男兒得路便登場
模糊一死非忠烈莫漫哀歌賦國殤

星霜重厯守城閨

兩次奉委守城

擊柝官卑敢不勤亦復衛青

能薦士可堪王粲屢從軍
薦肩火色窮誰見馬耳風聲

過勿聞獨惜文壇經戰樹
無人調護落紛紛

貢院老桂零落不堪

東奔西走已經年近百花洲且一椽在昔斯池曾講武

卽今何洞可棲賢

棲賢洞在西山居人避亂多入山住

貧憐家室寒於露

亂憶鄉關遠似天終是

承平風雅事捷音纔聽便歌絃

近日屢聞勝仗

戰船

有序

礮子口

地名屬星子縣距吳城三十里爲江西入省門戶

防堵戰船五

十號水勇三千人爲元太守

元善

所練趙總戎

如勝

會同督帶甲寅八月初三日勦賊吳城大

捷居民倚爲長城也十月二十七日我軍姑塘

戰敗仍退守吳城十一月初五日賊復至無多
人是夜突燒吳鎮舖屋水軍望風逃散失去糧
餉礮械無算先是功令練勇人日給錢三百元
太守以軍需浩繁仰體上官意請給二百五十
水軍憤有煩言至是皆按兵不動趙總戎至叩
頭求出隊卒不應是役也水軍不戰而敗戰船
遂爲賊益凶皎矣感歎作詩

嗚呼樓船將軍安在哉世無操江手豫章五會皆棄材
舴艋何其巧舳艫何其魁輕若羣馬駛重若萬牛迴操

縱惟所之共道將軍才將軍才可都船長不惜料船揮
國帑粟米爭誇萬斛儲弓刀豈止千人仗船成習戰昆
明池三千兒郎組練衣一出長江四衝擊曾見將軍立
功績功績可喜亦可愁水能載舟亦覆舟將軍能舟舟
豈覆舟中之指乃可掬無端驟散驅淵魚有力難維走
險鹿半年勞苦一夕中今何寂寂昔隆隆時來胡越同
心濟運去雲煙過眼空君不見借東風燒曹公水中龍
歌阿童戰船成敗俱江東得失偶然耳豈足論英雄卽
今津隘憑何守九泥倘塞磻子口自從瓦解劫成灰江

頭夜夜寒濤吼戰船非復將軍有

鄱湖夜泊

靜掩篷窗避浪喧此中新有鬼煩冤人生莫作江頭吏
閱盡升沉不敢言

悲哉行

吁嗟乎悲哉人生要一死而已胡不爲青山白雲胡不
爲飲醇酒近婦人寂寂且令地下鄧禹笑未必昭昭之
必勝乎昏昏所最恨者曹蜍李志雖生懨懨有死氣盛
孝章何必不永年而以幽憂煩冤自損其神吁嗟乎悲

哉百年幾春萬劫如塵間騷客天弔可免墳

讀定之別駕詩卷題贈

慷慨悲歌起君家本趙州知交爲性命著作在窮愁烽
火事非昔江湖心易秋不知廳壁句終竟仗誰留
感時吟不盡近興復何如亂世輕文墨閑官厭簿書尾
焦還剩此心苦獨憐渠今日需奇策何人薦仲舒

得次壻舒季芳

孔恂

書簪以詩兼寄長壻史覓仙

强

及聲

別情逾繫停雲盡日看亂離婚減禮飄泊老爲官

得壻衛沈馬攜孥梁伯鸞時平第一事親戚聚言歡

愛極心心望愁深事事虞沈防文士瘦俛笑老人迂天
骨看頭玉人情戀掌珠狀頭能識得吾女質非愚

得知聞警日避地開榛荆休戚關嫺嫺安危託父兄埋
頭疑蘧屈努力聽雞鳴他日錚錚譽應由百鍊成

進退誠何策心多緒似麻亂愁兒廢學貧愧婦持家望
汝

熙朝鳳嗟予暮日鴉分箋勞寄贈珍重意無涯

贈孫南臺少尉

元肅

少尉浙人官四川二十餘
年既被議歸特來江右投

效冀
復官

莽莽更何去相逢手重揮斯人貧不病幾輩宦能歸
歲月少壯老關山庸蜀微君身輕未得重與換征衣
此日依劉表當年識孔融地高欣有託世亂耻無功
人鬼驛邊火雌雄江上風茲遊吾與爾愁盡短長逢

送陳子沛外從弟

延澤

從軍九江

封侯年少倍輝光看爾從戎束錦裝豪傑變衣非變性
將軍擒賊要擒王相門有後傳清白父執無多敬老蒼
此去飛騰須穩步江州山勢號羊腸

九江山名

將軍夫人歌

金支翠旗照羅襦將軍夫人結束殊行人唧唧稱路衢
嫁女要嫁執金吾雲茶嫖娼如火在軍不揚在家可
五侯門第如一家聯姻結義走鈿車酒酣耳熱忽墮淚
淒涼夫婿從戎事捷書未到笑語濃夫人能表將軍功
非戰之罪命坎壈夫人能掩將軍過將軍自得夫人賢
金張許史皆爲將軍憐將軍之名遂達天子前不爾縱
有勲業誰能傳我聞檀道濟閨箴戒權勢功高道所忌
夫人信賢慧我聞韓世忠從軍必女戎揚桴奮士氣夫
人亦英雄夫人夫人何必與古相較計但爲將軍保富

貴婦人坐而享武夫力而驅苦樂雖異功則俱夫人果
有號秦妹將軍不嫌衛霍奴健婦持門戶亦勝一丈夫
嗚呼將軍夫人安可無

將軍子弟歌

不白斯朱好門第將軍不爲兒孫計不計兒孫功易成
功成子弟皆顯榮將門例以軍功起肯學腐儒鑽故紙
結駟連騎耀閭里喧喧十郡良家子千金買馬轡萬金
買鹿盧出攜獵夫入聚博徒夜還調笑酒家胡封侯安
用識兵事兵甲在城酒在肆巡街吏卒悄勿驚中有貴

人正遊戲鄉里小兒見咨嗟恨不身生田實家田實雖
好君莫誇銀鐙收籍散如沙君不見牀滿笏門列戟一
箸萬錢會幾日哀哀王孫乃乞食田禾將軍之子不要
亭吏識

豫定之弟屬題宦海歸帆圖照

圖景山水中
一鉅舟獨行

誰言四海闊有舟不能容誰言四海遠有路不能通丈
夫志四方破浪乘長風奈何困名場局促如樊籠江湖
多狡獪有力騰蛟龍眼見渤澥寬險與津隘同欲濟無
河梁進退將何從讀君歸帆圖隻影何其雄青山綠水

間照耀樓船紅獨往還獨來氣已羣舶空卽今習水師
在在資艫艫此船安得歸會奏平海功

黃成之處士

守中

耕讀能醫賦詩以贈

松竹森森屋數椽此中應着隱侯賢目窮萬卷輕科第
手散千金種福田孫思邈地僻鹿麋爲伴侶人閒雞犬
亦神仙不知醫俗君能否我已風塵二十年

貧官歎

老夫窮愁日早起呼僮淘米汲井水拖鞋懶步僮有言
計期今日上衙門雜坐官廳好氣色各逞晨餐獎厨役

歸來笑索舊酒甌亦復醉臥書枕頭紛紛華黥競有事
我獨蕭條能勿愧無功安得俸祿高作官慎勿官閑曹
十年作縣真可惜處脂不潤貧到骨憶昔潔已籌民荒
十萬義儲永豐倉吏胥中飽折民賦浮梁減價治漕蠹
自謀無術貧至斯傷哉廉吏不可爲廉吏不爲作何吏
不爲吏亦歸無計嗚呼讀書但求溫飽已庸才溫飽亦
難吁可哀

舒自菴觀察親家

化民

屬題其尊甫晚香圖遺照

老宦得榮歸意倍念先德沒存等功名拜像好顏色婆

髮七旬兜堂上祀百秩卅載計添丁瀛洲數十八俎豆
禮彬彬衣冠氣弈弈人生重天倫幾家長叙懌宦遊已
半生歸更值鍾鐻處處悲戰場骨肉紛離析兵餘習家
禮敦睦到親戚一卷晚香圖清芬誦舊澤示我轉惘然
飄蓬歸未得但願息烽氛且勿歎塵迹楊柳兩家春禾
黍五畝宅結鄰暫亦佳唱和圖主客

將訪方梅甫處士

立恭

先寄以詩

山林常耻富城市常耻貧貧富兩不耻別不靜者真所
歎或口腹所足惟精神南州多佳士方叟吾所聞盡就

董北苑書成王右軍偶然見一縑如接道貌醇苟非氣
潤澤安得詞紛綸惜哉孺子亭可望不可親尙停長者
車陳平豈隱淪我厭塵土惡願結風月隣寂寂蓬蒿徑
迷迷楊柳春踪跡渺難尋只在東湖濱

贈南昌少尉張拜蒞世講

慈

憶我方壯遊落魄東海濱濟南名士多君也同論文謂
是兩世交甚感情誼殷一別二十年忽喜聯車塵離合
非所傷男兒重功勲江西用兵餘雖定猶烽氛君職專
主捕亂更嚴防巡卽看鷹鶻隊睜睜各不馴寇盜禦非

難所慮潛奸民何以佐首劇警鼓使不聞君家蜀垂崖
治以猛而醇願君師其意職毋大小分嗟我老不才拭
目英才羣

呈曾節帥

國藩

萬方觀檄憤從戎忠義公先挫賊鋒車騎自呈天上駟
樓船今見水中龍一身半壁東南障五嶺三年遠近烽
想見默酬

宵旰意屢傳

溫諭獎軍庸

望湖亭懷古呈曾節帥

不須重問海昏侯，仙佛英雄總一丘。
花柳得時還作態，江山無恙轉供愁。
殘碑入土千秋在，折戟沉沙百戰休。
獨喜將軍椽筆健，迴瀾功鉅挽狂流。

亭在張睢陽廟側，廟有功在迴瀾，扁爲岳大將軍筆。

望湖亭書感

敗亭愁望強開顏，春盡江湖慘澹間。
煙火漸生聞鵲喜，風波纔定覺鷗閒。
陸沉變谷東西岸，孤注成峯大小山。
拚擲此身如柳絮，隨風吹去復吹還。

雨中重登望湖亭

亂定猶聞驛鼓催
稍閒乘興復登臺
世情易變看雲坐
機會難逢冒雨來
坡老文章終古健
周郎歌曲至今哀
千戈百戰留名勝
便是登臨要異才

弔常百川叅戎

常海

有序

常公旗人爲浙江叅戎奉檄來江勦賊軍令嚴
肅有戰必克旣由江返浙遇賊弋陽奮勇追戰
以人地生疎又眾寡不敵叅戎及其子千總吉
慧同時陣亡所帶兵五百人隨而死者過半大

吏奏請

恩卹是役也有持苛論謂叅戎冒險輕生可以
不死而死噫忠勇殉難尙苛論哉作詩紀實以
備採風

百川將軍一世豪見義必赴如奔濤功高忤俗無容處
百戰英雄投幘去我聞將軍馭兵嚴不瞋但能殺賊不
擾民江頭送別聲唧唧將軍心事民能識出師未捷死
不休誓將滅此而朝食道旁一夜躡屨風將軍憤聽心
轉雄奮爾何容問真假狡兔入林龍戰野豈知蘇峻望

山頭能使龐涓到樹下成敗利鈍不可知男兒只要革
裹尸裹尸願償身已矣五百義軍同日死嗚呼將軍死
不死身爲忠臣子孝子各矢心肝奉

至尊焚香元老聲悲酸

大司寇陳公聞叅戎殉難立設香案望空哭祭

庸懦妬

名偏有口責以失機爲賊誘不爲賊誘何紛紛陳平奇
計愁迫人自許諸葛臨時奔賊笑賊罵如未聞賊誘而
戰敗亦勲吁嗟乎誘而能戰敗亦勲安得懦將盡能死
戰如將軍

贈豫定之弟新晉司馬

年年作郡送他人典郡新符一旦分
狗監不逢聊復爾
馬曹何職豈宜君
無權可用空投筆
有祿雖微勝賣文
今日安危資大牧
龔黃側畔敢言勲
龔黃側畔難言政
東坡句也四方多
事佐郡亦
何可易言

題伏女傳經圖

何必阮瑀與火焚
儒冠一戴悞終身
伏生老死心應悔
憤甚將書授婦人

題鍾馗接福圖

新鬼啣冤故鬼瞋
戰場處處屬危身
何須接引煩公手

不見刀兵是福人

萬上遊秋山漁艇圖爲王小谷題

匡廬今亦刼只合畫中遊何地容漁隱斯人得氣秋江湖猶在夢風雨不勝愁離亂故家物多君好好收

寄寓浙甯會館題壁

往日歌庭滿綠苔越人散盡楚人哀可憐一座閑祠宇

水火餘生六度迴

一次避水兩次避火計往還六度矣

贈崔仙洲兄晉觀察

崔山人

纔知儒者必能兵轉轉移麾當請纓魯國詩書原甲冑

漢朝太守卽公卿英雄得路分巡驛憂患論交禦侮城
癸丑同守豫章莫怪使君長久借江湖今日要澄清

王小谷以所藏萬上邈山水鉅幅屬題

萬畫十圖九秋色此老天生寒瘦骨西江宗派本來清
畫理詩情同一筆最難氣清而不寒萬老畫梅尤大觀
放筆動爲億萬幹意使桃李羞寒慙此圖亦秋光意態
何飛揚畫石不必萬壑一拳橫空塞寥廓畫樹不必千
林兩三偃仰淩古今異哉深山與大澤一漁以外無人
迹天高地厚如不容獨立持竿氣蕭瑟乃知此老筆不

凡別有邱壑胸巖巖轉思畫非奇奇在讀畫者劉褒等
觀耳風寒雲汗下雖在讀畫者畫亦實不同黃筌富貴
相徐熙山野容此圖乍看太枯寂不掛貴人好堂壁滿
堂金碧轉眼無名山千古惟此圖王郎愛畫要畫富五
色粉圖靡不購盡歛丹青示此幅感我蕭條秋氣候題
詩卻恐萬老笑笑我局促形容陋君不見周昉畫肥杜
陵詩瘦

張小蓬世兄

祥泰

從軍來江喜晤有贈

總角論交老淚揮風塵回首意淒迷曾聞詩禮陪趨鯉

各笑絃歌學割雞歧路險多消歲月故山高極隔雲泥
卅年離合悲歡事話到衙齋月影低

滿地干戈去住艱暫拋塵牘豈能閑煙波蘭芷三閭宅

風雪梅花五祖山循吏有兒聽說尹將軍留客待平蠻

崎嶇歷盡英雄見看爾飛騰鳥道攀小蓬宰黃梅固尊甫吾師舊治都人

土獻詩有親見兒童齊拍手好官還有子孫來之句真住話也既卸事由湖南入江投效曾節帥大營故詩云

云

答孫補山求詩索書

落魄頻年事事荒卻逢知己拙難藏危時所寶非文墨

薄俗誰交到老蒼孫楚有樓因酒重馮讜無路借歌狂
報書草草希原宥恐是南華第一章

同張小蓬遊小九華看桂花

干戈消不盡揮手作禪遊飄泊蓬爲徑蒼涼樹入秋數
峯殘屋在百劫老僧留此會得非易故人方駐舟
居然香積寺未到氣先薰金粟如來現木樨居士聞烽
煙愁瘴癘風月醉氤氲安得長蟠固名山絕斧斤

茫茫興廢感古剎亂墳中白髮不速客青山亡是公綺
羅亦塵土卉木况霜風不入吾師座焉知色相空

寺前後皆

亂塚過此卽
香胡同矣

等是勞勞客
閑觀有所思
林空當戶闊
江靜到船遲
得地須三徑
離山各一枝
他年功業滿
莫忘喫茶時

送莫堯葵大令催餉還粵

十載辭鄉萬事非
亂離無定信音疑
倚門儘望榮猶歎
捧檄能歸喜可知
雁陣去驚南浦別
鶴書回恐北山移
區區百里才安展
神駿由來不受羈

堯葵方卸
安仁縣事

四方多事正需才
兵食艱難轉運催
國計便通秦晉粟
江粵兩省皆辦
軍需彼此借餉
軍儲誰理管
蕭財梅關雪重
烽煙散桂

嶺風高瘴癘開只我鄉心撩不盡直隨君過鬱孤臺

讀史論將十首

有序

軍旅之事未嘗聞也安得論將論則論史策所
載古將耳二將並稱尤赫赫在人口者或同或
不必盡同亦美亦不必盡美且二將又不獨此
二將是不可以不論矣世方用兵書生獨閒得
無愧乎敬告今人古將如此

孫吳

孫吳古用兵用乃先妾婦孫能笑王姬吳能哭卒母笑

哭心已用用力復何有妾婦且爭先士卒肯落後惜哉
功成死死在讒人手能感千萬軍不感王左右左右妾
婦耳猛將望而走安得孫吳兵爲世除羣醜

陳韓

陳韓等亡命所託非高尚一出爭漢功榮列蕭曹上處
貧易誣貪受辱已損壯報仇不殺人忍隱匪甘讓徒爲
俗眼笑齷齪醜形狀形狀不可知俗眼何能望屠估牧
監中大有名將相

絳灌

絳灌一戰興卓犖亦偉人爲輕賈長沙至今譏不文書
生遂封侯大勇別有眞說禮敦詩書鄙夫安得聞狗尾
續卽貴羊頭爛亦勲轉幸不識字識字書可焚

衛霍

衛霍奴婢耳乃以大將稱衛也不薦主霍也不恤兵二
者將所忌戰功何由成甚至仇李廣豈復知邊情美人
在宮中將卽赫有聲封侯行萬里家室豈所營手奪鴈
脂山哀哀婦女鳴慷慨語男兒裙帶非功名

耿鄧

耿鄧佐光武國興家亦興有子皆將才侯門兩崢嶸唐
宋李晟與曹彬雖美不並生轉念讀父書趙括戰則傾
汾陽何勲華子以奴才稱比比難悉數尤傷李北平身
窮及子孫射敢而降陵英雄一數奇屢代爲不聲曠觀
宇宙間監子多成名何獨阨殊才天意吾不憑嗟嗟替
人難勿苦求公卿

瑜亮

世俗稱瑜亮特以破曹傳破曹安足傳傳在兩少年未
三十封侯自古不乏賢同時復同將相顧尤翩翩回視

壇下人虬髯挺戈鋌人生業何常快意須眼前名將不
白頭願早爭着鞭

關張

神駿自天生駕馭要人力苟無駕馭人驥與騫同役關
張蓋世豪臨陣氣辟易所攻靡不破所守輒或失固知
奮擊才未可責機密一片忠義心感動生啞叱匹夫苟
能用遂作萬人敵關張乃無命轉爲諸葛惜

張許

張許各不屈一死皆如山特因先後殊疑獄資平反今

讀睢陽傳事績卓可觀斬叛義凜凜吞賊氣桓桓裂眚
嚼齒時意豈存生還一死語南八可以起懦頑丈夫節
烈事只在頃刻間赴義必爭先稍緩義卽難古今忠烈
臣多少蒙譏彈

李郭

唐代之中興在於李郭功李郭之功成在於能相容李
亦跋扈才非郭誰牢籠朔方受代時正坐猜嫌中李能
慷慨陳郭遂泣涕從一語釋仇讎百戰平蠻戎因思安
史亂四海方洶洶兩雄苟相爭禍且招羣凶不見哥舒

翰被箚楊國忠將相古多賢吾慕廉蔭風

韓岳

舉世忘君父日設孝與忠

陳同甫語

南宋多大儒理學歸英

雄韓岳有同聲百戰皆殊功功成戰可已不已爲兩宮
煌煌誓師詞足警一世聾南軍不可振西湖遂相從悲
哉少保心死生全始終三字獄雖冤千載名獨隆韓岳
今已矣論者咎和我不和反亡國豈必尙戰攻忠孝苟
無人則國先虛空

長歌呈曾節帥

蠕蠕蠹爾蝸流涎誰縱之毒而使魚尤霧結漫長天三
江兩湖綿亘五嶺一萬里慘慘瘴雨兼蠻煙

文思天子正少年廟謨獨運襄廷賢黃河畫斷寇馬不

得渡

賊匪北犯輒
爲黃河淹沒

東南半壁重任舍我曾公其誰肩刼

運東南方未已猛將辱兵總一死我公威震先荆蠻狼

煙掃蕩鯨濤翻朝發九疑山暮入九江關進此一步破

盡羣賊殊非難嗚呼破賊非難所難迺在破賊之後籌

萬全籌萬全肯輕發爲公仰豪雄爲公想兢惕隱現出

沒奇不窮我公行軍如行龍危韁手勒不得下我公馭

兵如馭馬成敗豈足論英雄願公小挫功愈崇百戰功
成氣蕭瑟願公大勝心無逸臬騎戰死驚馬肥人才易
得而難知願公留眼到微賤廝養卒亦真男兒陳書挾
策紛紛起馬周落魄新豐市願公留眼到單寒學究才
能佐天子兵戎禮樂公一身

禮部侍郎兼兵部侍郎銜

磨石待書文

武勲

朝廷養士二百有餘載偉哉報國惟儒臣儒臣文章卓

風骨橫掃千軍陣無匹浩氣可以平吞萬頃湖

時方攻賊湖口

公有韓潮蘇海筆君不見淋淋漓漓轟轟烈烈一紙平

續文布告中外

送王小谷世講歸浙

老夫窮愁日閉門，老友亦疎況王孫。
王郎年少篤世誼，結交且結文字緣。
麻衣苴杖忽歸去，使我感舊心悽酸。
君雖讀禮輟吟詠，豈可送君無一言。
王郎好古日無暇，千金購古不論價。
唐詩晉字宋板書，君有聰明別真假。
吁嗟嗜古毋乃愚，卽今世亂耻爲儒。
上馬提戈下馬布，安用局促塗墨朱。
君也青箱滿載當壓石，此意歸能讀。
父書詞人山水例所好，送君直上山陰道。
千戈滿地行

路難便是佳遊亦草草卻念米家之船穩無虞盜賊不以詩書爲寶

吳城漫感

巨鎮東南北上腴無端華屋半邱墟五年憂患江湖滿

百劫消磨水火餘

連年水災繼以兵火

歸里便圖偕隱計

商民逃散殆盡

破家徒悔治生書名爭利戰紛紛死輸與閑眠一老漁

碑碣分明勒上頭文成勲業可能收

南康府有王文成紀功碑時師駐府

治琴書阨到陶潛宅歌舞愁空庾亮樓

九江尚未克復

今日長

城倚廬嶽古來雄鎮屬江州羊腸馬脊

皆九江山名

當關險

具見前人有遠謀

傷心流骨大江濱想到功成愈愴神便是艱危思戰士
豈宜征伐問仁人三年破斧周公旦一旅登舟晉太真
冷宦敢談君國事各披肝膽望廷臣

莫更吳頭楚尾分危時玉石恐俱焚望窮雲樹憐峯秀

廬山獨秀峯

感到滄桑恨海氛耆舊怕設悲大戶

八大姓幾虛無人矣

子孫能祀慰忠墳

前明鍾人葉景思以殉宸像難入祀忠義祠

老夫別有青

衫淚灑向潯陽日又曛

感今思昔事全差風景依然與自遐門巷夕陽烏桕樹

野塘秋水白菱花安危未定關人物哀樂無端換歲華
惆悵林池都散盡不應魚鳥亦辭家

每逢佳節倍關情坐對雲山照眼青幾輩登臨懷古客
重陽風雨望湖亭詩留他日憑誰和酒到今朝愧我醒

鴻雪依然軒館盡可堪還問舊居停

望湖亭側鴻雪
軒亦付一炬矣

遊踪來往總心酸亂後人稀早閉門夜雨青燈三宿館
秋風黃葉百家村弟兄寥落天涯雁子母淒涼日暮猿
猶有居民終樂土客邊尤吠不嫌喧

絕無聊賴踏荒塵父老相逢意倍親幸免死亡爲漫叟

屢經離亂是遺民盆魚儘繞思何去屋燕重尋記不真
最感東山攜妓路落花殘草葬歌人

位置英雄太不平彼蒼無耳任人鳴可免跋扈成千古
此子憂愁過一生囚鳳寵雞終有數免葵燕麥本虛名
茫茫世事君休問且買深杯日夜傾

翻爲投閒愧不閑事權何屬歷諸艱全家作客非長策
半刺爲官亦強顏用世有才須得地買田無力敢還山
叅軍只恐蹉跎老莫笑吟詩語帶蠻

戲題弄猴圖

圖繪一美婦負
小猴於肩上

一出山林悔浪遊情緣繫住勢難休愛花貪果兼脂粉
慎勿生兒似阿侯

不是裙邊卽鬢邊不能兒女不能禪弄成到處風流債
付與花娘壓一肩

子良詩存卷十三終